

## Naqqiut 2

Naqqiut 21- september 2017-imeersoq taarserpaa

(§ 1-imi (allannguutissatut inatsimmi erseqqissaateqarneq), § 1, nr. 1 (imm. 2 peerneqarpoq), § 1, nr. 3 (oqaasertalernera pisariillisitaq, ukiumoortumik nalunaarusiap ilanngunneqarnera), § 1, nr. 4 (tunngavissat pigineqartut tunngavigalugit aalajangiisinnaanermut piginnaatitaanerup peernera) aamma § 1, nr. 5 (suliassat tunniunneqarsinnaanernut piginnaatitaanerup ilanngunnera), § 2 (kinguneqartitsinermi naqqiutit) kiisalu § 3 (kinguneqartitsinermi naqqiutit) naqqiivigineqarput).

### **Uunga siunnersuut: Isumaginnittoqarfiup aqunneqarnera aaqqissuussaanelu pillugit Inatsisartut peqqussutaata allanngortinneqarnissaa pillugu Inatsisartut inatsisaat nr. xx.xxx 2017-imeersoq**

(Isumaginninnermi Naammagittaalliuuteqartarfiup sulianik ingerlatsinerata naammassiuminarsagaanera)

## §1

Isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni nr. 11, 12. november 2001-imeersumi kingusinnerusukkut Inatsisartut inatsisaat nr. 14, 6. juni 2016-imeersukkut allanngortinneqartumi allannguutigineqassapput:

1. § 8 imatut oqaasertaqassaaq:

” § 8. Isumaginninnermut Naammagittaalliuuteqartarfimmuut inatsisitigut naammagittaalliuuteqartoqarsinnaatillugu, suliani kommunalbestyrelsip Naalakkersuisulluunniit aalajangiiffigisimasaanni, illuatungiusup aalajangiineq Isumaginninnermi Naammagittaalliuuteqartarfimmuut naammagittaalliuutiginnaavaa. Aalajangiinerup kingorna sapaatip akunneri arfinillit qaangiutsinnagit Isumaginninnermi Naammagittaalliuuteqartarfimmuut naammagittaalliuuteqartoqassaaq.

*Imm.* 2. Isumaginninnermi Naammagittaalliuuteqartarfiup aalajangigai allaffissornikkut oqartussanut allanut ingerlateqqinneqarsinnaanngillat.

*Imm.* 3. Akuersisissummik peqaqqaarnani meeqqamik inuusuttumilluunniit 18-it inorlugit ukiulimmik angerlarsimaffiup avataanut inissiinissamik Isumaginninnermi Naammagittaalliuuteqartarfiup aalajangiinera angajoqqaatut oqartussaassusilimmit meeqqamilluunniit Kalaallit Nunaanni Eqqartuussivinnut tunniunneqarsinnaavoq.

---

UKA 2017/19

IINIIN Suliap nr.: 2017-16101

Aalajangikkap Kalaallit Nunaanni Eqqartuussivinnut tunniunneqarnera pissaaq aalajangiinerup kingorna sapaatit akunnerisa 4-it iluanni.

*Imm. 4.* Isumaginninnermi Naammagittaalliuuteqartarfiup aalajangigai allat, suliamut attuumassuteqartumit eqqartuussisoqarfimmut saqqummiunneqarsinnaapput. Aalajangikkap eqqartuussisoqarfimmut saqqummiunneqarnera pissaaq aalajangiinerup tiguneraniit sapaatip akunneri sisamat qaangiutsinnagit.

*Imm. 5.* Isumaginninnermi Naammagittaalliuuteqartarfiup aamma eqqartuussiviup imm. 1-mi, 3-imi aamma 4-imi piffissaliussap malinneqannginnera isiginnginniarsinnaavaat pineqartoq qaangiinnermut akisussaatinneqarsinnaanngippat.”

2. § 9 imatut oqaasertaqassaaq:

” § 9. Isumaginninnermi Naammagittaalliuuteqartarfik ataatsimik siulittaasoqassaaq marlunnillu ilaasortaasussanngortitaqassalluni.

*Imm. 2.* Siulittaasoq Isumaginninnermi Naammagittaalliuuteqartarfiup allattoqarfiani naammagittaalliuuteqartarnermi allatseqarfiup pisortaanut atorfinitsinneqassaaq.

*Imm. 3.* Naalakkersuisut ilaasortaaitat marluk taakkulu sinniisussaata ukiuni sisamani atuutussanngorlugit toqqassavaat.

*Imm. 4.* Siulittaasoq inatsisilerituutut soraarummeersimassaaq.

*Imm. 5.* Ilaasortaqaq ataaseq sinniisussaalu isumaginninnermut tunngasunik paasisimasaqartuussapput, kiisalu ilaasortaqaq ataaseq sinniisussaalu inatsisilerituujussapput isumaginninneq pillugu paasisimasaqartut.

*Imm. 6.* Inuit isumaginninneq pillugu sulianik ingerlatsinermut imaluunniit aalajangiinernut akuusut toqqarneqarsinnaanngillat.

*Imm. 7.* Isumaginninnermi Naammagittaalliuuteqartarfik pisuni aalajangersimasuni inunnik suliamik sammineqartumik immikkut ilisimasaqartunik aggersaasinnaavoq. Inuit taakku Isumaginninnermi Naammagittaalliuuteqartarfimmi taaseqataasinnaatitaanngillat.

*Imm. 8.* Naalakkersuisut Isumaginninnermi Naammagittaalliuuteqartarfiup suleriaasissaa aamma Naammagittaalliuuteqartarfiup allattoqarfiullu sulinerannut malittarisassat sukumiinerusut nalunaarutitigut aalajangersassavaat, taakkununga ilaallutik piffissaliussaasut, naammagittaalliuuteqartarnermut periaatsit ilusiliinissamullu piumasagaatit, taassuma ataani naammagittaalliuutinik periaatsinik ilusiliinissamullu piumasagaatinik naammassinninngitsunik itigartitsisinnaaneq piumasagaammullu tassunga atuutitsinnginnissaq, Naammagittaalliuuteqartarfiup siulittaasuata innersuussineratigut Naammagittaalliuuteqartarfiup ilaasortaanik piffissaq sioqqullugu soraarsitsineq kiisalu Naammagittaalliuuteqartarfiup ilaasortaanik akissarsiaqartitsinermut malittarisassat.

*Imm. 9.* Naalakkersuisut Isumaginninnermi Naammagittaalliuuteqartarfimmut allattoqarfeqartitsissapput.”

**3. § 10** imatut oqaasertaqassaaq:

” § 10. Suliani naammagittaalliuuteqarfiusuni Isumaginninnermi Naammagittaalliuuteqartarfik ilaasortaataitaasunik peqataatitaqarani aalajangiissaaq, taamaattoq tak. imm. 2.

*Imm. 2.* Siulittaasup nalilerpagu naammagittaalliummik suliaq tunngaviusumik pingaaruteqartuusooq, ilaasortaataitaasut peqataatillugit suliamik aalajangiisoqassaaq, sulittaasulli nalilerpagu naammagittaalliummik suliaq ima nukinginnartigisoq, ilaasortaataitaasut peqataatinnagit aalajangiisoqartariaqartoq peqataatinnagit aalajangiisoqassaaq.

*Imm. 3.* Suliani imm. 2-mut attuumassuteqartuni siulittaasooq aalajangersinnaavoq ilaasortanit allakkatigut innersuussuteqarnikkut aalajangiineq pissasooq. Suliat taamaattut ilaasortap ataatsip piumasaqarneratigut ataatsimiinnermi suliarineqassapput.

*Imm. 4.* Isumaginninnermi Naammagittaalliuuteqartarfiup aalajangiineri allaganngorlugit, tunngavilersorlugit suliarineqartassapput. Ataatsimeereernerit tamaasa allattoqarfiup tunngaviusumik aalajangernerit tamanut saqqummiuttassavai.

*Imm. 5.* Isumaginninnermi Naammagittaalliuuteqartarfik ukiut tamaasa suliani pillugit nalunaarusiortassaaq.”

**4. § 11** imatut oqaasertaqassaaq:

” § 11. Isumaginninnermi Naammagittaalliuuteqartarfik aalajangiisinnaassuseqartarpoq siulittaasooq ilaasortallu marluk taakkualuunniit sinniisussaat najuukkaangata. Isumaginninnermi Naammagittaalliuuteqartarfik nalinginnaasumik amerlanerussuteqarnikkut aalajangiisassaaq.

*Imm. 2.* Isumaginninnermi Naammagittaalliuuteqartarfiup allattoqarfiata allagaatit sulianut tunngasut kommuninit imaluunniit Naalakkersuisunit piniartassavaat.

*Imm. 3.* Kommunit Naalakkersuisulluunniit naammagittaalliummik tigusaqarnerminnit kingusinnerpaamik sapaatit akunneri sisamat qaangiutsinnagit Isumaginninnermi Naammagittaalliuuteqartarfimmut ingerlateqqereersimassavaat.

*Imm. 4.* Isumaginninnermi Naammagittaalliuuteqartarfiup allattoqarfia suliani nukinginnartuni sapaatit akunnerinik sisamanik sivikinnerusumik piffissaliussisinnaavoq.”

**5. § 11-p** kingorna ima ilanngussisoqassaaq:

” § 11a. Isumaginninnermi Naammagittaalliuuteqartarfiup siulittaasuata § 10, imm. 1 malillugu siulittaasutut piginnaatitaanini Isumaginninnermi Naammagittaalliuuteqartarfiup allattoqarfianut tamakkiisumik ilaannakortumilluunniit tunniussinnaavai.”

## § 2

Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 1, 21. november 2013-meersumi makku allannguutigineqassapput:

1. § 26 ima oqaasertalerneqassaaq:

“ § 26. Kommunimi sumiiffigisami kommunalbestyrelsip immikkoortoq II-mi malittarisassat naapertorlugit aalajangigaanik naammagittaalliutit Isumaginninnermi Naammagittaalliuuteqartarfimmut apuunneqarsinnaapput Isumaginnittoqarfiup aquunneqarnera aaqqissuussaanelu pillugit Inatsisartut peqqussutaat malillugu.”

2. § 48, imm. 1, ima oqaasertalerneqassaaq:

“ § 48. §§ 31, 33, 34, 35, 36, imm. 2, 38, 39, imm. 2 aamma § 42, imm. 3 naapertorlugit kommunalbestyrelsip aalangiineri Isumaginninnermi Naammagittaalliuuteqartarfimmut apuunneqarsinnaapput Isumaginnittoqarfiup aquunneqarnera aaqqissuussaanelu pillugit Inatsisartut peqqussutaat malillugu.”

3. § 49, imm. 1, ima oqaasertalerneqassaaq:

“ § 49. Najugaqarfissatut neqeroorutinut aalajangersimasunut § 36, imm. 1 aamma 3 naapertorlugit tigutinnermut Ilaqtariinnermut Naalakkersuisup § 42 naapertorlugu aalangiineri Isumaginninnermi Naammagittaalliuuteqartarfimmut apuunneqarsinnaapput Isumaginnittoqarfiup aquunneqarnera aaqqissuussaanelu pillugit Inatsisartut peqqussutaat malillugu.”

## § 3

Suliffeerunnermi ikiorsiissutit pillugit inatsisartut inatsisaat nr. 2, 15. maj 2014-imeersumi makku allannguutigineqassapput:

1. § 19 ima oqaasertalerneqassaaq:

“ § 19. Kommunilbestyrelsip § 1, § 6, imm. 5, § 13, imm. 1, aamma §§ 16 aamma 17 malillugit aalajangersimasai Isumaginninnermi Maalaaruteqartarfimmut

maalaarutigineqarsinnaapput Isumaginnittoqarfiup aqunneqarnera aaqqissuussaanelu pillugit Inatsisartut peqqussutaat malillugu.”

**§ 4**

Inatsisartut inatsisaat atortuulerpoq ulloq 1. januaari 2018.

*Kalaallit Nunaanni Namminersorlutik Oqartussat, ulloq xx.yy 2017*

Kim Kielsen